


五



西亭詩序

詩之爲道通於文年來士子
帖括外相與學爲詩歌人人
自謂升堂王孟余曰白首制
舉義未能撤其藩籬而苟及
聲律之科遽臻壺奧豈四始



詩序一
六義果於八股有二道與卽
如近體一一起三四中五六
後七八結與帖括無異至於
起伏呼應轉摺變化何一不
與時文通者此言惟符奇能
知之符奇幼而能詩嘗携其

所著請正孟陽先生先生曰
骨力丰姿允堪名世所講者
起承轉合耳符奇歸則盡焚
其原藁而更爲詩以正孟陽
孟陽大驚曰子何領悟之速
耶名世傳世無疑矣符奇由

言序二
是擅場於詩者五十年然非
符奇素志也符奇優經濟習
韜鈴年弱冠雋虎闡分守水
汛一日爲有司簡禮色然起
曰丈夫當致青雲安用兜鍪
爲遂棄去一出而採泮芹名

噪諸生者十年曾世亂南北
路梗輦鼓震驚復喟然曰丈
夫須建鐘鼎勳安用毛錐爲
又棄去挾策渡江慨然有清
中原之志蓋燕許鴻文郭李
盛業其素所自命然也夫何

時移事去山東諸侯皆鳥獸
散乃歸隱蘆渚迨中原廓清
復爲諸生首餼於庠名益噪
時不配命屢困塲屋繼而江
撫責逋紳士被廢者萬八千
人符奇大喏曰劫灰盡矣舉

生平筆墨悉燒之嗟嗟人不
貧不能詩不老不能詩不病
亦不能詩符奇髮鬢髮白矣
曩時鐘鼎旂常今且簞瓢不
繼又復多病而昔之鷹揚虎
視者忽作龍鍾老人也宜其

工於詩也余與符奇向同唱
和因詢其篋中詩謂遭喪亂
多軼去然稍能記憶口授其
子叔蘭錄出之與其難弟茂
合所著無罪草合爲一編余
顏之曰延陵合璧嗚呼夫人

丈夫自命乃五十年中上之
不能經綸廊廟次不能戰勝
疆場而身盡之後惟存此風
雅餘事豈不悲哉豈不悲哉
辛夷菊月年家同學弟潛壺
許自俊題

延陵合璧序

昔人剖和氏之璞得白璧用爲傳在之寶
方其爲璞也人莫識之及其爲璧也人爭
寶之在人眼孔大率如此歎怪和氏既信
璞中有璧盍自剖之以璧獻乃至屢被刖
而繼之泣也夫不以璧獻而以璞獻其被
刖也固宜然使和氏不被刖不抱璞且泣

序一
人第謂天產此璧爲傳世寶安知璧之出
於和氏安能千百載而下璧已不知銷歸
何處而和氏之名猶存天壤哉竊觀古今
名人之傳於世者文章勲業而已勲業非
乘時不見文章則曰窮愁而益工空乎顯
者著其勲業隱者著其文章究之文章亦
必由顯而著其隱而著者曾有幾人即有

以隱而著如孟浩然賈島者泯然不得王
維韓愈則孟賈亦不著嗟夫身之不顯即
能文終歸不傳身隱焉文真勘破古今而
發非徒一省感慨之言也故顯而文則為
爭寶之璧隱而文則為莫識之璞吳子符
奇茂舍兄弟之詩文莫識之璞也呂蕭狀
高寄之致寓之詩文則抱璞不獻之和氏

序一
也 不自獻而朱子力宣代爲獻之抱以泣
而得文宗李公特爲剖之于是有延陵合
璧之刻殆不璞而璧世將爭寶之矣二子
其爲浩然乎爲島乎天下之大豈乏爲浩
然爲島而爲維爲愈者不多有二子之得
剖也其幸也天下或有爲維爲愈者而未
必真有浩然真有島二子之得剖也璞中

有璧天地之所不能閱也非倖也余故不
禁三復而識之

年家同學弟平江蔡方炳九霞氏撰



徐序

有肆於文而以無罪自名者
練川吳子茂含也徐生讀之
笑謂吳子曰君烏得無罪今
天下皆醉矣而君獨醒君罪
一卽醒者皆默默也而君曉

曉君罪二且夫懷文刺訛莊
言之猶忌其忠而君以才玩
世譎浪笑傲靡弗至焉君罪
三吳子曰余非畏罪之人也
假使得志爲天子立功海外
遭時之忌功高不賞至於見

罪又或備位言官犯顏極諫
撻不測之怒臣罪當誅卽碎
首剖心無所憾顧乃搖落草
間靡所建立發爲荒言庶幾
無罪何吾子督過之深也徐
生曰嗟乎吳子君不見古之

憂讒畏訕行吟澤畔者乎詩
三百篇大抵皆離愁悱惻之
詞也且其比物連類哀感頑
豔其旨隱其詞微言者無罪
聞者足戒此詩之極致也若
夫文序事尚其核言情尚其

顯與詩蓋不同矣今吾子尚
友古人淡觀世變盤礴鬱積
於中而不能已於言又有所
不言不忍言乃托物以明
意隱事以造端吳子之文吳
子之詩也讀之使人神搖而

骨立或歌或泣動乎不自知
而翻然勃然以進於道如是
則謂之無罪也亦宜

康熙甲子春三月鹿城退山

徐與喬題



延陵合璧

西亭詩自序

余少失怙未弱冠輒廢舉子業日持弓矢逐射獵然獨喜
為詩歌是時文雖棄而詩未之棄也二十雋虎闈從節帥
者五年而世路右文幾為族黨所擯遂絕意戎行專志吟
咏是時武亦棄而詩又未之棄也嗣後復事操觚浮沉章
縫者踰十年迨中原鼎沸草昧未分乃挾策渡江翱翔淮
泗興衰滿目抒寫彌殷山東諸侯亦知好余之詩是時文
再棄而詩仍未之棄也繼歸敝廬服先疇無復當世志而
時之守令學博皆昔日湖海故人強加羈勒其間感慨流

離尤深寄託故武再棄而詩猶未之棄委頓又十年而以
微逋例放得遂浪遊凡山川城郭俯仰興懷以及歌舫旗
亭仙宮梵宇追歡傾蓋惜別垂鞭投桃報瓊留連靡竟故
文又再棄而詩卒未之棄然余究未嘗以詩爲事也賦性
疎慵脫腕隨散大半充俗子之覆瓿婦人之隔帛敗囊塵
篋之間求其模糊蠹蝕者亦寥寥無幾嗟茲年鬢已衰朝
露可待念曩時毛錐大戟俱同敝帚而詩尙存一二烏忍
并棄之而弗顧哉乃命兒子叔蘭彙錄成帙而往來聚散
歲月後先不能復爲編次統名之曰西亭詩噫余殆以西
亭老矣容有佞余者曰詩以窮而益工子數竒如此宜其

有是詩也余蹙然曰是惡乎言大凡詩以人傳人則不必
以詩傳如唐之房杜未聞有詩名然終非燕許所能頡頏
汾陽臨淮不知四韻爲何物而勳蓋天壤聲垂來茲古之
名將相何嘗藉詩以傳哉若夫嚴武郭元振張建封輩著
作不踰中人幸少効封疆其人遂不至於泯滅而詩亦得
挂後人之齒頰彼溫李皮陸之流如秋蟲春鳥噪啣一時
究與露葉風條共歸銷歇詩雖工亦奚以爲韓蘄王生長
兵間貴後始學識字而俚近數言尙爲人所稱道信乎詩
以人傳也余也馳騫一生畧無表見毋論上不能登螭頭
廣天樂次不能磨盾鼻草提書卽欲如宋之陳同甫以虛

自序
名豪世而不可得徒乃藻績風雲笙簧几席以博交遊之
歡笑則是詩亦何不幸而爲余之詩也工耶否耶子無問
焉

西亭詩目次

五言古

村居酬沈公述

雨中虞山東歸有感

登邑中浮屠

遠客夜至

病中聞隣友彈琴

貧愁吟

感世二首

感鏡

有客言迷道入海山爲紀其事

偶感

感物

久雨兼晴後作

愁蝗篇

出塞

訪孫遠士北歸

避暑村寺早起寄許潛壺二十韻

七言律

黃雀謠

靈巖西施跡歌

櫻桃歌

棄婦詞

春草謠

麥蠶歌

牧牛歌

谿翁詞

採蓮曲

白紵詞

橫塘曲

蘇小小墓歌

題春江放鴨圖

行路難

虎丘僧舍題陳長倩梅花夜景

鴛湖曲

秦淮歌送方虞師歸楚

老檜行

相逢行贈范陽李都護

江頭哭

銅雀妓

鴟夷歌

聽笛人吹落梅感賦馬士延

遊獵篇

醉歌行贈四明應子瞻孝廉

觀打魚歌

題陳生松樹障子

題湖山漁隱圖

浮橋歌

題歸文休先生畫竹

春雲歌

戲題勝公鍾馗像

江郎刻玉歌

五言律

贈南谿嚴隱君

雲間楊二府留飲

送人之楚

楓橋早發

與羽客羊城使期婁東道院過訪不遇

明月灣夜泊

同王將軍攜妓遊淮雲寺

曉遊花山

吳門送沈虞士攜妾歸楚

青松菴同笠上人送湘中談大雲

山行

北固渡江別雨上人

過虎丘沈禹甸留宿

燕子磯遇淮西韓次公

泊舟江滸

白下送王中翰往倅江陵

舟泊龍江

鶴湖晚行

靖江同陳木叔明府登城

贈王任伯將軍

聞友人大梁歸言時事有感

黃渡遇仲元

舍弟至青浦

雲間喜荀兒至

兵火後遇中州友人

早發婁城

過野寺贈隱者顧君

過鹿城遇上人草菴

同喜彥方西山曉遊

聽吳生彈琴

京口遇陳孟庸參戎之薊

送蔣文若之官大浦

送張在公司理鞏昌

題陸翁水亭

泊舟江浦

舟至六合

儀真東歸

寄項莘友

輓陳寶臣

潤州道中酬汪介人昆陵見寄

送姚文學招安海船 遊瑯琊歸語同邸友人

贈前部雷將軍 過族子村居

贈濟南張雲子 虎丘夜飲留別沈禹甸

送陶玄球鍊師 寄贈高將軍征海捷歸

邀馬應之往留光寺時猶臥病

贈秦淮陸南溟鍊師 同暉公雨公晚行賣口

松陵客夜呈劉使君 九日同劉河諸君登城樓

輓友 聞孫遠士入梁

泊舟牛渚

同幻公夜坐

過婁城西郊草菴

除夕泊舟平望

琴川道中

冬抄久任虎丘戲贈筠上人

答方中翰彭城見寄云已買妾卜居

客中清明寄家仲季 過徐武靜故宅

吳門送汾陽劉明府往宣州舊治

早登金山 贈雲間姚叔儀

送安吉融上人歸聞卽往廬山

寄孫遠士 虞山西城遇楊鍊師道故

送友人遠遊 贈山翁

山中贈老僧

溪上晚歸

野老

唐紫瑞讀書花山過訪留贈

懷陳生久客孟河

同方虞師訪李姬

天長晚行

寓胥關小寺

秀舟舟次待友不至

郡邸暑夕寄西山藻公

崇川作示黃孝廉

晚過皇慶讀書處訪唐彥方

楊使君署中夜賞牡丹適劉都護携妓至

被繫

贈友人遠歸

秋夜獨坐

秋夜同姚其然訪廬山僧

過幻公故院

訪城南樊公

劉我賓過訪皇慶

養疴荒寺李仲淵過訪

寄懷沈珽臣病起

江上攜妓送友人之楚

送閩漳楊中宜遊楚

遇城南立公院兼訪道侶

謁海上嚴明府道遇王孝廉遂邀同載

夜宿慧公房得唐彥方譴所消息

句曲道中

村中雨後作

五言排

無題二十韻

送蜀友歸時獻寇初平

送馬將軍南征

溪行十韻

送項莘友之任兗州別駕分駐河防

贈由拳顧子賓

題江臯神女祠

寄久客友人

述懷三十韻

酬諸乾一見懷

七言律

客中送人之楚

登城逢四明應子瞻

金陵同錢司馬攜妓送劉伯宗渡江

王都閩坐中送成都白純如往倅杭州

同柳子侯訪宣校書 送陸元州使君携妾歸蜀

同張不醴集虎丘珠上人院

西城逢朱昭芭兼示海上呂子手翰

淮上呈劉將軍

維揚夏月觀史樞相出師

呈李宮保大將軍

呈王鞏昌

傷南國

傷郡城

避兵作

泊舟儀鳳門

登普德寺閣

舟泊維揚

同張又陶遊木末憇飲雨花歌館

茜溪王叅戎建無隱林招石師開座

虎丘珠上人院訪梁溪劉震青

湖州遇海上施幼陵省親東歸

淮城訪王鼎維將軍 淮上飲阮孝廉舟次

贈徐武靜監軍

酬金陵伍將軍春遊見寄

報本僧院與成都楊別駕道故

過婁東劉校書故館 劉文學從戎浙東

吳門送陳山人歸粵 過錢大鶴司馬故宅

清河道中 虎丘送松陵楊學博歸成都

觀同學射 東平道中寄故里諸子

王正送陳問卿遣祠西嶽

京邸酬王侍御見懷 都門人日送劉山人歸洛

答諸內翰春遊見詢 酒家客夜贈王山人

酬王侍御扈從 宸遊見寄

朱內翰留餞兼別席中虛上人蘭校書

送濟南張雲子戍秦 送揚司馬喪歸蜀

南歸示友人 維揚客舍贈李文思參軍

訪浦浪臣幽居 聞池州李仲淵應南藩聘

送陸山人之武昌 潤州送王明略之鳳翔

雲間西城宗人邀試騎兼赴妓席

渡江逢鄉人東歸 潤州客邸寄昆陵壘上人

淮城送王任伯都護之大梁唁故

劉河高將軍席上作 題醉翁亭

廣陵妓館送李參軍歸松陵

同遼東王浚兩使君暨董山人訪北姬李心兒

送毛聖羽北上
湖上作

訪南溪友人
江上送楚中孫將軍之闔

懷青溪陳機來
過金陵伍將軍別墅

悼懷呂天音
贈黃州方虞師

同方中翰攜具長干道院訪楊鍊師不遇

雲間送黃鳴玉別所歡往淮西唁故

遇舊戲作
宿城南竹勝菴懷黃陶菴

贈茗溪陳別駕
送樵李張隣曾往陽羨

同汪介人過虎丘
過王鍊師院

維揚旅次
同襄陽鄧太常登北固

南行道中贈裴立公
初夏村居雨後作

同林上人馬校書送袁文子參軍之蜀

同李幼海咏並頭蓮
丹徒道中送琴川王羣玉

維揚李使君席中分咏得磁器鞋盃

李使君署中咏黃白頭
題練川織女廟

劉河白將軍席上作
自遣

懷西山舊遊三首
送李文學喪歸楚

山行憇小寺
憶舊遊有感寄唐克三

悼懷青谿陳機來
風箏烟火

山塘遇雨

題鹽官楊比部南園別墅

婁東妓席送李文學往濟南信故

李校書院牡丹為俗客所損賦此惜之

過朱元佩別墅

登城懷唐孺舍

北郊傷唐紫瑞遺殞因懷乃弟彥方遠謫未歸

友人粵西歸

送朱甥銜慈命赴京省父

行雲

冬日索居

酬王介公遊茅山贈羽士見寄

維揚送友南還

維揚送西州友人歸投鎮幕

項莘友倅充以忤物謫官暫歸訪贈

贈雲水陸道翁

錫山道中遇孫山人梁歸

贈三韓廢將劉君

吳江道中

庭中雞冠一本入冬逾艷感而賦之

村中酒舍

酬友人客中早行見寄

垂虹亭遇山陰王中翰之楚幕

聽美人清歌

送虞陽唐孺舍

訪東谿何隱君不遇歸途有作

送閩僧水谷南歸

百舌

贈葑城沈隱君

村居初夏寄鄭西求表弟

再尋何隱君喜值暮歸留飲言別

送陸天符歸四明

閱李義山咏史詩感為擬和

公餞陶叅戎移官西行同賦江柳

再餞陶叅戎

王母

雲間經廢圃

村中書事

和友人無題五首

酬郭萬戶遠寄塞下曲

訪木實殷嘉生

朱涇道中

贈歌者李生

過茗溪黃人百南闈別業

雲間楊明府席贈劇妓管湘筠

咏白牡丹

別羅溪張仲顯

新春偶作

豪家園

送僧

傷友

偶過友人山院

泊舟垂虹亭

病中寄友

經海上道院遇劉羽士感贈

有贈

送陸羽蒼歸浙兼寄沈明府

清和偶作

贈陶鍊師

咏鶯粟

過友人園居

和友人聞粧

山行贈范隱君

送王將軍喪歸遼

雲間遇故人邀登水樓

病起寄唐彥方

酬淮上王統軍見寄

寄金陵尤孝廉

劉上舍席中贈小姬楚芳

武林遇閩漳林孝廉 陸右完過訪皇慶不遇寄謝

訪舊 夜宿皇慶酬許潛壺見寄

偶登洞神宮水樓聽道流講義

戲贈繩妓 江上送客

客中寄故里同人 和友人寒食憶內

同李扶九飲皇慶西閣贈慈上人

和友人咸陽懷古 王達可久客齋梁歸家訪贈

與羅溪諸君言別次馬士延韻

贈海濱醫隱鄭翁 湖上晚歸宿茶磨贈僊上人

破夢 青谿唐明府席中作

別青谿諸乾一 訪西城天立上人時值臥病

同方中翰宿雨花館因懷高座舊遊

潛壺留陪歲寒會辭歸寄謝兼呈會中諸公

贈城南八十張叟 偶作

七言絕

吳門雜咏八首 有感

金閶有感 笠林閣與張止菴懷舊

陽羨泊舟期殷嘉生不至

都門有客談天啓遺事感賦七絕

都門送陳廣文之楚 渡江別西歸友人

有客言隱士皆忠臣戲爲詰之

有客言亡國必由艷妻戲爲解之

有客以名同古人自詡戲爲嘲之

觀虞姬劇感賦
夜宿瓜州

瓜州客舍遇高漢思渡江同宿

淮城雜咏十首
題方正學先生祠

題滁陽郭王廟
過江陰有感

同幻公過孟陽先生故宅

江行八首
婁溪道中

唐紫瑞皇慶病起同飲竹下戲爲主僧索饌

經故妓院
和友人西湖十二咏

夏過婁東
懷張其人久客吳江

題畫冊十首
雨中過皇慶慈上人院

丁卯橋作
南溪卽事

石湖晚眺
題畫七首

山行竹枝詞七首

偈六首

自題西亭詩後三首

西亭詩

同邑許自俊潛壺選

西江李醒齋先生鑒定

嘉定吳屯侯符奇著

後學朱元度力宣校

五言古

村居酬沈公述

晨曦滿前軒清我松杉色寂寂窮巷幽年光不相識卉木
猶知時芳菲徧寒食歡遊思已屏子處庶務息馳逐非所
優此心愧難飾遂於人羣疎翻若抱潛德思君越常交瀟
灑曠胸臆昕夕若未能素懷常相卽新詩遠見投珍重金

百鎰古道如猶存願言各努力

雨中虞山東歸有感

未爲虞山客長與虞山期昨來虞山暮遂上虞山遲風雨
起中夜凌晨坐嗟咨路無漁樵蹤笠屐安所施瀰瀰浪復
東疊鼓催篙師掉首謝山靈重來更何時人生志願弘欲
滿恒多虧閒遊尙爾然况乃關榮衰銅山萬里遙天闕重
雲采胡爲強躋攀戚戚徒勞思

登邑中浮屠

市塵不能隔百尺凌太清登之值良夜浩然曠心情衆星
羅簷前片月當我明四顧風謾謾茲身覺其輕蒼茫一氣
中彷彿涵孤城萬象歛時見冥窺識虛盈始知宇宙寬卑
處猶如盲未能窮岱宗此舉超平生

遠客夜至

長貧無歲時久客無道途于焉兩相值此會當何如別來
難具陳各撚頷下鬚豈不惜景光誰能挽飈車我生良悠
悠子亦何瞿瞿聚散如梗蓬徒傷無乃迂蔬從老妻摘酒
倩隣僮估一尊尙未空頓覺情懷殊喑喑窓前鷄啞啞枝
上烏催人爾已煩今夕姑徐徐

病中聞隣友彈琴

抱病不復寐松月滿庭宇夫君具風雅隔我僅環堵燕坐

機慮忘冷然理商羽清風徐徐來曲罷夜將午時俗尙箠
琶子心自皇古審音敢爾爲聊此沁肝腑

貧愁吟

貧來莫更愁愁則兩害攬兩害愁枝重吾將擇其輕是時
歲云暮雨雪淒以清蕭蕭窓戶虛凜然肌栗生掀衣撥殘
爐薄酒聊自傾豈日遂温飽衰顏亦徐頽達人貴止足所
遇何枯榮苟作營營謀長懷戚戚情睠彼孤貉徒曾無金
石聲誰言貧與愁兩者恒相并

感世二首

家鷄畜窓前所食無稻粱饑啄砌旁草晚棲庭下桑司晨
性仍在喔喔啼偏長啼時驚懶婦煖帳夢未央停午入厨
下殺之調羹湯雕楹架鸚鵡食具皆銀黃經時語一聲懶
婦喜欲狂

城南多高柳上有千黃鸝風和柳陰碧百嘯無停時城中
冶遊人携酒相追隨謂此睨眄聲宛如簧與絲絲簧亦何
益娛耳人獨宜不見屋頭烏災凶必報知直言世所諱鳴
則咸逐之

感鏡

少時笑衰老到此不自覺今朝覽明鏡白髮已盈握誰言
歲月舒颯忽如電電藐茲六尺軀人我共摧剝煩心從內

西亭詩
煎羣物自外琢漸以悔吝深嗟哉羲皇逸雙九日西東手
短誰能捉戚戚懷殷憂終身似刑劓前村同齒者昨見猶
非角食飽惟高眠雖然任愚朴

偶感

喬木生屋旁垂柯覆百尺朝作行人陰暮爲飛鳥息利物
本天性主人厭施德無端析爲薪繞屋種荆棘

有客言迷道入海山爲記其事

駕帆入遠海四顧心茫然風勢行轉急黑雲起如拳舵師
語未終倏忽迷眼前對面不辨人篙櫓皆棄捐暗中信所
往屏氣扳危舷少焉風雲息乃在高山巔山非青與碧宛

若桃花鮮上無草木生滑潤堪移船旁有一小澗水流時
涓涓尋源入洞門朗晷無塵烟又非日月光白石涵青泉
有蛇霜雪色兩角橫額顛見人首微舒吐納仍安眠又有
五色鳥羽毛勝花鈿與蛇若無擾飲啄乘洞沿俄焉數丈
夫策杖來東偏衣冠各異製瀟灑鬚眉妍相携坐磐石其
一持書編讀罷共長嘯起行若飛翮見此怖畏生還身步
爲顛歸船裏餘糗牽袂相攀緣依稀三日夜屣敝兩足穿
幸遇採樵人附之得生旋遙瞻向所住峭壁空危懸生平
熟海道自謂知其全經行目有盡神怪言難宣時輩見一
室聞之笑妄傳安知此境外更有無窮天

感物

先聖作結繩小物竊其智網羅當中庭往來不得避羣物各有命攘爲一身利腹飽歸高簷晏然獲所庇

久雨兼晴後作

天子中興年改元戊辰夏四月覺旱乾猶未損禾稼五月方上弦此時足驚訝黑雲從東來大雨傾若瀉其後四十日未嘗少停假黍田成江河漸欲及廬舍黃牛卧簷低頽壁似殘壩窺甕無遺糧市中米騰價白日走病鼠痴兒啼且罵將此推衆民誰能係晝夜東南卑濕區霑潦最所怕天意或有爲下民罪可赦幸焉屆秋期薄日出雲罅里巷

聞笑歌如饑得梁炙老人前致詞爾等勿歡詫昨從城中歸官府宴高榭盛言晴雨時且喜炎暑謝執法稱至公催科不少借請看田中物存者何足藉

愁蝗篇

江北常苦旱江南常苦水旱久多生蝗水邦幸無此異哉天地心水旱近偏詭去年齊魏間淫雨廢耕耜吳越今又旱黍苗槁將死溝塘起飛埃草木漸焦燬斗粟珍璠璣束薪貴蘭芷烝黎痛欲呼燁燁出脂髓昊天叩雖遠仁澤被螻蟻民生尙幾何禍害亦應已胡爲降異物流毒遍千里渡江先潤州漸及莫可紀來如風雨聲少集盈丈起野田

無遺留根葉盡剪毀猛健類禽鳥飛虫豈堪比所至不畏
人紛紛撲頭耳世無姚元崇歛手誰敢指生平聞蝗名形
體未嘗視見之怖欲狂舌咋不能止擬將訴上官諸郡皆
復爾哀詞疊如山棄置等故紙皇皇計何施號泣更長跪
再拜告汝蝗克殘不可恃東南財賦區上下相賴倚羣盜
猶未殄征科越恒軌連年歲不登閭巷半離徙屆茲秋成
期州邑無停筆請君觀所存豈足供汝齒下民雖有愆當
體聖天子

出塞

聖朝重文治專闢徒虛名昨日詔征討尚方賜書生出關

畏風沙百里開錦柵干選得壯士戎衣導前旌偏裨不相
識遙望車塵迎登臺覽未終自謂知敵情勝敗難豫期揮
旗早移營笳聲捲地來鋒簇羅軍兵失律誅辱帥璽書褒
全城寄語丈夫子兜鍪何自輕

避暑村寺早起寄許潛壺二十韻


春寒宜起遲夏炎宜起早習懶過平生晏眠長潦倒是時
五月盡久雨沒庭草池近帷多蚊地卑扇生蚤朝來喜新
霽爽氣入懷抱披襟倚危欄扶杖疏積潦密樹條叅差新
荷葉娟好菓園遺黃梅竹徑叢翠葆幽鳥鳴溪楸遊魚噉
芳藻墻邊盡陂塘門外非孔道林日高不炎村烟散猶浩

西亭詩
五
雲移簾影疎水映衣光
皜老僧松下鋤童子佛前掃籬邊
摘殘葵原畔芸早稻髮迎清風梳手就涼漪澡因思城而
喧向午驕陽杲擾擾飛塵紅翩翩遊蓋皂汗流巾幘濡氣
鬱喉唇槁世事豈相逼將母強尋討寄言學道人春矣還
自保

訪孫遠士北歸

故人久爲別前月歸丘園我來何遲遲驅馬尋秋原殷勤
問樵叟手指谿邊門幽徑滿腓草餘暉在衡軒著書對松
筠獨坐揆渾元見我若有訝少焉及寒暄面無京洛塵可
想清心源自陳非我意懷憤投煩喧時俗尚蹲沓素心愧

攀援豈無金閨契士賤卿相尊尚有南山廬焉能效狂奔
歸來守孤潔水木閒朝昏平生數知己風雨重討論念子
屬遠道亦能到荒村聞茲感秋歎益見貧交敦殘韭共爲
剪呼童具盤飧新詩詠數篇珍重超輿璠相顧日云暮眼
前餘空罇浮沉理已識身世何足言與君斯已矣吾道其
猶存



七言古

黃雀謠

八月黃雀生九月黃雀飛飛來飛去啄禾黍禾黍欲空黃雀肥原頭網羅日相逐嗟汝身肥命亦速

靈巖西施跡歌

館娃宮前日無色吳儂舞罷面如墨葑湖湖水烟霏霏羅襪凌波去不歸空山留得一痕月苔蘚千年不忍沒行人來往暗思省些兒曾換君王頸蓮步爭知國步移香塵滿地山花冷苧蘿村脚靈巖巔越水吳山盡可憐子胥少伯無人問只有西施到處傳

西亭詩
五
櫻桃歌

櫻桃花發當花朝玉釵風冷春旛搖閨中少年坐花側不語不言淚沾臆去年花開郎共看今年郎去花無色人傳郎處無此花怪得花時不憶家

棄婦詞

再拜別君去吞聲徒自嗟妾身本秋蓬君誤爲春花春花易謝歡易畢丈夫恩情豈終一只嫌憐惜君太過嬌懶何堪侍巾櫛君家新人真絕倫舊人那敢隨鞋塵願君纏綿到頭白莫遣新人如舊人

春草謠

春草碧行人欲行心自惜年年陌上踏春草草未枯行人老

麥蠶歌

二月結冰三月霜只今四月麥未黃稚子久饑不能待摘歸顆顆香盈筐砂盆緩焙青半破一家欣欣齊上磨撮來掌上如新蠶入口不減春飭甘近時重食不重衣一襦難買升粟歸總有春蠶似蟻繭如斗不如麥蠶一撮能救貧人饑吁嗟乎無蠶只愁富人耻若無麥蠶貧人死

牧牛歌

牧牛出東頭貧家無薪草不留牧牛出西路富家田邊禁

西亭詩
行步前村荒壠日日來草根短小牛無數去年無牛苦一
年今年買牛多借錢道旁亂石先拾去踏着恐怕牛蹄穿
明朝耕田能省力牧牛歸來尙無食

谿翁詞

老翁家住青谿曲谿上種田長不熟賣田買網網未聯漁
課籍中名已編水乾魚稀每空往日日掛網青谿邊縣胥
到門縛翁走田租漁租只兩手

採蓮曲

吳波融融光氣暖輕披花面入花窾纖指捉棹棹行緩指
環刺刺手爲瘡衣袖稱長裙稱短往來歌斜盡誇罕岸頭

遊子眼何悻側首射船光不散汝擎荷花雙袂袒儂遮荷
葉兩眸懶非儂無情嫌汝誕夫婿在家多宛欵日日佇門
停碧織金桃翠李先貯盃待剝蓮心抄作餅銀床疊坐飲
衍衍儂搗三絃壻吹管明月落西天河斷玉壺花繁香覆
館起來窗外日紅滿

白紵詞

白紵白如雪今年早似去年熱寒衣在身身苦拙殷勤裁
剪及時節家人停刀置我前白紵雖白終非鮮吳羅越羅
徧奴僕問君胡爲長此服

橫塘曲

西亭詩
七
橫塘橋南花滿江橫塘橋邊多水窓窓中織綾誰家女笑
呼採花人共語江頭日日見汝行艷色明粧世無侶儂家
夫婿出門稀伴儂窓下守羅機從來不識橋南路看汝風
舸去若飛

蘇小小墓歌 小小南齊時人

西陵青驄去無跡彩雲夢冷吳山碧墓前烟草春萋萋不
見當年舊松栢歌聲舞影餘精魂古來蘭麝皆泥塵青樓
往事何足憶齊宮尙有生花人江頭潮落日看暮啼鴉飛
過西陵埠

題春江放鴨圖

綠楊花飛荇芽發船頭分波聲滑滑一篙撐入菰浦深羣
鴨飛鳴競浮沒前谿水煖多魚鮮須臾鴨飽仍移船毛齊
尾重子漸緊明日不愁無穀錢遠村歸來月將吐倚棹開
闌鴨重數山妻炊熟酒滿瓶笑解蓑衣掛蓬戶長安富貴
如鸞輪鷄坊小兒寵愛新一朝翻覆何足羨爭似春江放
鴨人

虎丘僧舍題陳長倩梅花夜景

山風拂雲雲不斷奔泉八竹珠欲散爐頭殘火慵再吹客
去柴門寂無伴寒香十畝月一鈎枯藤掛壁風颼颼問君
何從得此意爾時應倚東山樓山塘夜靜歌舫歌罷穩塵

冷蕙膏竭一枕霜鐘夢未回日高醉汗猶浸髮

行路難

行路難不在劔門之棧瞿塘之灘劔門鳥道尚可盤瞿塘
有時風不瀾世情反覆便於掌談笑之間戈矛攢夷吾鮑
叔幸益棺誤人千載誇如蘭試將往事爲君數谷風未足
興悲酸員詔同病稱歲寒秦廷李趙尤交歡陳王髑髏沒
泝水牲血泥齒何時乾長安交友如肺肝歸骸洛浦多離
殘須知此輩猶古道孝標責人胡不寬行路難君莫歎

鴛湖曲

鴛湖三月春風和柳花飄飄雪滿陂蕩舟小婦愁如醉髻

垂老鴉衫新鷺見人低頭眼微波停撓手掣雙飛蛾回首
落日紅無多劉家灣子猶未過待歸不歸將奈何

秦淮歌送方虞師歸楚

秦淮河邊柳初碧風吹柳條眉行客勸君同上秦淮樓玉
壺春酒濃如珀逢君幾時又送君楚山吳山從此分重醉
秦淮更何日回頭惟見秦淮雲

相逢行贈范陽李都護

昨朝相逢在狹路死生一言不相顧今朝相逢都市中揮
鞭掉首去若風朱家劇孟世罕有敦盤三物俱成空夫君
慷慨燕南客珠袍錦帶何翕赫床頭莫邪中夜鳴睥睨泰

山輕一擲相逢不語心自知傾蓋已作千秋期荆卿不得
魯勾踐易水衣冠徒爾爲

老檜行

岡頭老檜何蒼蒼虬枝千尺凌雪霜匠氏袖斤不敢顧爲
言當世無明堂從來物老人所賤此檜何爲盡稱善磻溪
老漁風氣開信陵上客頭皚皚高陽狂叟一憑軾齊城七
十皆摧隕長纓小兒空自詡大事詎可謀童孩嗟哉老檜
須重惜莫羨舜華艷朝夕

江頭哭

江頭夜哭聲嗚嗚鄉音彷彿越與吳更聞醉罵哭隨止從

此竟夜惟呼盧市門早開羣婦走白楮驅呵似雷吼叱使
沿街索酒錢淚珠簌簌擎纖手自言生長深閨房誰知萬
里投邊疆纏身鐵械死不得羞顏無處堪遮藏罪人之孥
盡應殪皇恩宥減等天地男兒屠裂有餘辜那許蛾眉言
節義

銅雀妓

峩峩崇臺壓漳水啖葛老奴臺下死卞媼今作長秋人羣
妓更無何滿子御香分擲隨秋風漳水湯湯曲易終銅雀
高飛向何處瓊墀半作狐狸宮西陵鬼帝休夜哭當時早
伴新君宿

西亭詩
十
鳴夷歌

蘇臺歌舞何洋洋殺汝父者今已忘臺前老翁睜血眸狂
呼麋鹿將來遊王赫斯怒麾鉅鈞盛以鳴夷付陽侯往來
江上如浮鷗西江江水咽不流寒風慘慘陰雲愁湘靈瑟
罷鮫梭投誰其愉愉石室囚手擲餘膽歸衾裯六千組甲
驅犀牛哀哀孤臣乞骸體鳴夷雲吼騰花洲具區龍子不
敢留飛人錢塘求我讐波濤萬載恨未休長聞白馬嘶高
秋

聽笛人吹落梅感賦寄馬士延

凍泥稜稜百芽蟄寒梅獨向顛風立先驅敢是避堅水坐

使東君得安席紛紛紅紫冶遊時開落凄然盡可悲誰知
裂石穿雲曲只寫凌霜傲雪姿

遊獵篇

秋風初發草未班狼之久息將軍閒將軍自誇生邊關少
小遊獵性所矧盤龍鞍子繡猊甲錦帶雙纏羽斜挿彎弓
一發響若雷不射飛禽射家鴨馬蹄到處一片塵士女顛
倒將軍嗔酒漿填路獵夫醉捆載仍復驅行人坊門文榜
遍粘飭將軍有目從不識

醉歌行贈四明應子瞻孝廉

嗟余未老百疾嬰八月便苦秋衣輕掩帷枯坐對酒鐺今

朝傾倒爲友生歡笑不覺移三更掀拳一賭連十觥病腸
輓輓春雷鳴玉壺擊破雙旂橫餘子促促同鼉鼉胡能日
與羣僮爭左挈大阮右劉伶並驅鸞雀窮天京駕言西池
阿母迎飛瓊鼓簧雙成笙流霞千斛甘如飴叱呼曼倩弛
朱纓醉枕其股不敢驚天鷄喔喔催啓明再傾東海澆餘
醒黃塵擾擾萬里平側耳但聞蒼蠅聲

觀打魚歌

桃花飛飛荻芽短春魚字子頭纂纂居人相約晚放船曉
霧未開船已滿盡傳魚窟在中央長篙亂舞昏分張船頭
船尾互傾軋嗔罵咕咕湖波揚老人戒言且莫爭有魚無

魚不在聲吾儕據此誰不羨信齒翻使旁人輕當時官府
禁湖面你船我船皆不見

題陳生松樹障子

世人畫松畫枝葉摩勒龍鱗與馬鬣堂壁模糊墨瀋浥欲
觀未觀眼垂睫陳生畫手何縱橫五株一埽如天成烟雲
有態風有聲寒毛颯颯神爲清記得廬山最高首飛泉如
濤怒虬吼捉筆小兒皆却走方知此道須老手

題湖山漁隱圖

洞庭王君訪予於郡城出湖山漁隱
圖索題爲贈長句

昔聞洞天三十六靈境多奇讓林屋湖光森森山嶷嶷折
倒天關翻地軸來往飈車入杳冥烟洲雲樹何青青洪波


噴湧不輕渡遙指東西列畫屏近來大賈甲天下到處林
泉盡臺榭其中真隱不可尋我欲問之山靈詫今有仙人
王子喬謫居此地何道遙少時讀書賤軒冕中歲好道淪
漁樵曾聞匹馬向京洛白眼一雙世難着長揖諸侯歸去
來劔花寒拂秋霜落湖橋卜築塵事空清嘯猶得蘇門風
豈無黃金高拄斗縱橫瓦礫將無同興來怪筆忘點畫醉
後高眠廢晨夕今人不見見古人彷彿張顛與李白有時
垂釣凌滄波風雨何從覓志和朝廷舊口知名姓那得容
君老綠簑

浮橋歌

城橋不設浮橋橫東西十丈似席平江頭行客不敢過爲
待官艦相隨行官艦去浮橋連橋吏坐橋怒索錢府中薪
蔬急如火錢缺受鞭誰替我

題歸文休先生畫竹

黃陵廟前風淒淒娥英一去山妖啼荒江月落烟霧重十
枝萬枝空低迷詩人酒酣氣如虎滌筆瓊壺墨花舞誰言
近派來彭城蘇軾文同舌交吐昔年屨杖曾追遊重披縑
素已白頭蒼姿勁節凜然在頓使冰雪清雙眸滿城桃李
競攀折我欲投時苦椎拙松窓兀坐夜向深對此孤標嘆
欲絕



三

